

kataklismo (Sc). Naturkatastrofo, kaŭzanta tre gravajn difektojn k ŝanĝojn sur la surfaco de la tero.

Katakombi. Subteraj galerioj uzitaj kiel tombejo aŭ ostejo.

Katalepsio. Nerva patologia stato, karakterizata per inerteo de la volaj muskoloj k perdo de sentpovo.

Katalogo. Tabelo de objektoj ordigitaj laŭ difinita ordo : *~o de pentraĵoj, de libroj, de muzeo.* Kp LISTO, TABELO, BIBLIOGRAFIO, REPERTUARO. *~i* (tr). Registri en *~o* : *~i bibliotekon.*

* **Kataplasm.** Kuracilo, konsistanta el varma, mola k malseka maso da medicinaj substancoj, entenita en maldensa ŝtofo, k metata sur korpa parto.

* **Kataro.** Muka fluo pro inflamo de muka membrano : *~o de l' nazo, de l' intesto,* ktp. Kp MALVARMUMO.

* **Katarakto.** Maldiafaniĝo de l' okul-lenso, kaŭzanta kuraceblan blindecon.

Katastrofo. Subita malfeliĉega okazaĵo : *fervoja ~o ; tio povas ~e efiki al la vivstato de la laboristoj.*

Katedro. Surpodia seĝo por predikantoj aŭ profesoroj.

Katedralo. Episkopa preĝejo : *hispana proverbo diras, ke por konstrui preĝejon, oni devas projektii ~on.*

Kategorio. Ĉiu el la klasoj, en kiuj oni ordigas samspecajn personojn, objektojn aŭ faktojn : *la gramatikaj ~oj ~a. 1* Rilata al *~o.* *2* Senkondiĉa, firma, nepre, postula, tute klara : *~a lono, rifuzo ; ~e respondi, aserti, paroli Z.*

Kateĥismo, Katekismo. 1 Elementa lernolibro, prezentanta per demandoj k respondoj la ĉefajn punktojn de religio. 2 Elementa ia ajn lernolibro, konsistanta el demandoj k respondoj : *~o de politika ekonomio.*

Kateĥisto, Katekisto. Instruanto pri kateĥismo 1.

Kateĥizi, Kateklizi (tr). Instrui la religiajn elementajn principojn : *la misiistoj ~as la nigrulojn.* Kp PREDIKI.

* **Kateno.** Fortika ĉeno uzata por ligi la malliberulojn k malhelpi ilin forkuri : *havi ~ojn sur la piedoj Z. ~i* (tr), en*~ig*. 1 Ligi per *~o* : *~i krimulon, beston.* 2 (f) Ligi per morala, spirita

devigo (danko, ŝuldo, logo ktp) : *kiu donacon prenas, tiu sin ~as Z ; ili sidis en mallumo, ~itaj de misero Z ; kial do ni devas senbezone ~i nin Z ? kiu sian langon ~as, Dio lin benas Z ; en lingvaj demandoj ĉiu superflua decido malutile ~as Z ; dangere en~igi la lingvon Z ; tro rapida edziĝo, porĉiama ~iĝo Z. 3 (f) Ligi per kvazaŭmateriala altireco : *li staris, kvazaŭ ~ile al la tero* (Kp FORĈI) ; *~is min tiu grandioza spektaklo* (mi ne povis foriri rezignante tiun spektaklon).*

katizl (tr) ☼. Doni apreturan gluon, brilecon al ŝtofo. *~o.* Ago *~i* aŭ la rezulto de tiu ago : *~on oni prijaras per hidraŭlika maŝino.* De*~i.* Forpreni, forigi la apreturan gluon, brilecon de ŝtofo.

katodo ⚡. Negativa elektrodo de pilo. Vd ANODO.

Katolika. Propra al la kristana Romana eklezio, kies estro estas la papo : *~a dogmo, kredo, preĝejo, eklezio, pastro. ~o.* Ano de la *~a* religio. *~ismo. ~a doktrino, dogmaro.*

* **Katuno.** Malpeza kotona teksaĵo, ĝenerale surpresita per koloraj desegnaĵoj : *indieno, kalikoto, kretono, nankeno, perkato estas ~oj.*

Kaŭĉo. Monsumo, kiun oni deponas, aŭ kiun oni promesas pagi por garantii la plenumon de interkonsento aŭ kontrakto farita de si mem aŭ de alia : *doni, havigi ~on ; liberigi akuzilon per, kontraŭ ~o. ~i* (tr). Doni *~on* por iu.

Kaŭĉŭko. Elasta gumo, konsistanta el preparita suko de kelkaj amerikaj aŭ afrikaj arboj aŭ lianoj : *sulfur~o* (ĉo prilaborita per sulfuro, k pli malmola ol la kruda) ; *~a mantelo.* Kp GUTAPERKO.

Kaŭrl (ntr). 1 Sidi sur la kalkanoj : *la malfeliĉa knabino ~is en angulo de la ĉambro ; ~e sidiĝi Z.* 2 Sidi kuntirigante por sin kaŝi aŭ por eksalti : *la tigro ~is en la altaj herboj. ~iĝi.* 1 Sidigi sin sur kalkanoj. 2 Kuntiri sin.

kaŭstika ☼ ☼ (pri substanco). Brulanta, kaŭteriza, mordanta : *~aj rimedoj. ~aĵo. ~a* substanco. *~eco.* Eco de tio, kio estas *~a* : *la ~eco de acidoj.* Kp BRULI, FROTI, KAŬTERIZI, KORODI, MORDI, RODI.

* **Kaŭterizl** (tr). Vundi per fajro aŭ kaŭstikaĵoj por kuracaj celoj. *~ilo.*